

Fundacion Mucha pa Mucha a lanta pa traha na bienestar di mucha na Aruba

ORANJESTAD (AAN): Clifford Heyliger ta Presidente di Fundacion Mucha pa Mucha cual a lanta pa representa un proyecto cu yama "Operation Christmas Child" cu ta dedica na e bienestar di e mucha en general, pero enfoca pa duna regaló na e muchanan den necesidad, pero tambe un programa di preparacion pa maestro y muchanan.

El a sigui bisa cu nan a lanta oficialmente diaranzon 26 di Juni, pero nan tin dos aña operando

caba. Nan ta traha hunto cu House of Divine Glory cu nan por a trece e regalonan aden y e materialnan.

Oficialmente nan por cuminza awor ariba nan mes pa logra nan meta nan dilanti cual ta impacta e bida di e muchanan. Ta yuda nan den nan formacion, den forma nan integridad, ken nan ta, balornan, entre otro.

"Si nos no inverti den e muchanan awe, nos ta bay haya hobennan cu problema y nos ta bay haya



adultonan cu mañan nos no por cu nan", a splica. Fundacion Mucha pa Mucha tin e meta pa yuda den e aspecto ey. Na Merca y otro paisnan, muchanan

an den nan spaargeld ta cumpra regalo, ta colecta cosnan y ta manda nan na otro muchanan rond mundo. Nan kier comparti nan creencia, nan amor cu otro muchanan, Heyliger a indica.

E fundacion kier demostra e amor tangible cu Dios tin pa muchanan y hende en general. Pero den e caso aki ta pone enfasis ariba mucha, a remarca.

A agrega cu nan tin material, nan tin regalo, tur cos cu ta necesario. E unico cu mester ta e compromiso di organizacionnan y hendenan pa traha cu nan pa logra e meta.

Clifford Heyliger a duna di conoce cu fuera cu tin necesidad financiero na Aruba tambe tin problemanan social. Tin muchanan cu ta bin for di famianan

bon para y eynan tambe tin problemanan y necesidadnan.

Nan enfoca ta ariba tur mucha. Den nan statuut tin dos punto principal. Uno ta comparti amor di Dios cu e muchanan y demostra esey y traha cu otro organizacionnan cu tin e mesun meta cu ta e bienestar di e mucha, el a señala.

Fundacion Mucha pa Mucha tin un Facebook Page cu ta "Operation Christmas Child Aruba". Esnan interesa den haya mas informacion of pa haya contacto por bishita e pagina aki.

"Si realmente muchanan tin balor, nos lo cuida nan y nos lo haci fondonan disponibel pa nan", Heyliger a finaliza bisando.